

Ժողովուրդ

28
(2878)

2 մարտի շաբաթ 2024
տպագրության ԺԳ տարի


Է. Երեւան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ՀՖՖ ՓՈԽՆԱԽԱԳԱՐԻ ՈՐԴԻՆ ԱԶԱՏՎԵԼ Է ԶԻՆԾԱՌԱՅՈՒԹՈՒՆԻՑ



Նիկոլ Փաշինյանի ընտանեկան թերթի նախկին լրագրող, այսօր Հայաստանի ֆուտբոլի ֆեդերացիայի փոխնախագահ Արմեն Նիկողոսյանի որդին չի ծառայել բանակում: Այս տեղեկությունը «Ժողովուրդ» օրաթերթի հետ զրույցում հաստատել են ՀՀ պաշտպանության նախարարությունից:

«Ժողովուրդ» օրաթերթը փետրվարի 14-ին հարցում էր ուղարկել ՀՀ ՊՆ Սուրեն Պապիկյանին՝ հետեյալ բովանդակությամբ. «ArmLur.am-ը տեղեկացել է, որ ՀՀ ՖՖՖ փոխնախագահ Արմեն Նիկողոսյանի որդին՝ Էդգար Արմենի Նիկողոսյանը (ծնված 23.07.1995 թվ.ին, գրանցման հասցեն՝ Երեւան, Դեմիրճյան փ. 17Ա 15) ազատվել է պարտադիր զինվորական ծառայությունից՝ ֆուտբոլային կարիերա շարունակելու հիմնավորմամբ, սակայն հետագայում նրան ակտիվ ֆուտբոլում չենք տեսել: Ի՞նչ հիմնավորմամբ է ծառայությունից ազատվել Էդգար Նիկողոսյանը: 2018 թվականից հետո, երբ շատ պաշտոնյաների որդիների՝ զինծառայությունից ազատման փաստաթղթերը սկսեցին ուսումնասիրվել, արդյոք Արմեն Նիկողոսյանի որդու ծառայությունից ազատման փաստը ստուգվել է. եթե ոչ, ինչու»:

Ի պատասխան, ՊՆ-ից հայտնել են. «Նիկողոսյանը օրենքով սահմանված կարգով ազատվել է պարտադիր զինվորական ծառայությունից»: Իսկ թե ինչ հիմքով, ՊՆ-ից հրաժարվել են պատասխանել՝ մատնանշելով «Անձնական տվյալների պաշտպանության մասին» ՀՀ օրենքը:

Արդյոք 2013-ին 18-ը բոլորած Էդգար Նիկողոսյանն իսկապես ֆուտբոլային կարիերա է ունեցել եւ ունի՞. փնտրեցինք տեղեկություններ, չգտանք: Զանգահարեցինք հորը՝ Արմեն Նիկողոսյանին, որը, սակայն, հրաժարվեց զրույցել մեզ հետ. չկարողացանք պարզել, թե ինչ հիմքով է որդին ազատվել զինծառայությունից, եւ ինչու չի զբաղվել հետագայում ֆուտբոլով, եւ ամենակարեւորը՝ ում միջնորդությամբ է ազատվել որդին բանակից:

Հիշեցնենք, որ Նիկոլ Փաշինյանը եւ նրա թիմակիցները ԱԺ ամբիոնից հաճախ խոսում են, թե մարդիկ նախկինների օրոք փողով բանակից ազատվել են: Ստացվում է՝ նաեւ իր թերթի նախկին աշխատակցի որդին է՝ Նույն հիմքով ազատվել ծառայությունից, եթե Փաշինյանը դա էլ չէր ստում: Իսկ ինչ վերաբերում է այսօրվա փաշինյանական իշխանությանը, ապա նրանց օրոք ՔՊ թիմակիցներից շատերը արհեստական հիմքերով ազատվել են պարտադիր զինծառայությունից:

Օրինակ՝ ՀՀ արտաքին գործերի երիտասարդ փոխնախարար Վահան Կոստանյանը բանակից ազատվեց, որ գիտությամբ զբաղվի, սակայն պետական պաշտոնյա է: Զինծառայությունից ազատված են ՔՊ-ական պատգամավոր Վահե Ղալումյանի երկու որդիները՝ Աշոտ եւ Վլադիմիր Ղալումյանները: Հովիկ Աղազարյանի կրտսեր որդին՝ Հովսեփ Աղազարյանը եւս չի ծառայել: ԿԸՀ նախագահ Վահագն Հովակիմյանի 2 որդիները Նույնպես ազատվել են ծառայությունից, եւ այս շարքը դեպի անվերջություն կարող ենք շարունակել:

ԱԺ նախագահ Ալեն Սիմոնյանն իր նորանշանակ խոսնակ Նելլի Ղուլյանից պահանջել է, որ «Քաղաքացիական պայմանագիր» կուսակցության անդամակցելու դիմում ներկայացվի: Դա արել է հատկապես այն բանից հետո, երբ թիմակիցները նրա դեմ դավեր էին նյութում, թե ՔՊ-ին հավատարիմ չէ, ջերմ է կուսակցության հռչակած սկզբունքներից: Ալենին «Ժողովուրդ» օրաթերթի աղբյուրները փոխանցեցին, որ ԱԺ խոսնակի աշխատասենյակի պատին բերել են Նիկոլ Փաշինյանի լուսանկարն եւ փակցրել: «Ժողովուրդ» օրաթերթն այս տեղեկության վերաբերյալ մեկնաբանություն ստանալու համար դիմեց Նելլի Ղուլյանին. վերջինս ասաց, որ ինքը ՔՊ աջակից է, ուստի չի բացառում անդամակցությունը, սակայն Սիմոնյանի կողմից նման պահանջ իր առջեւ չի դրվել: «Ոչ մի պահանջ Պարոն Սիմոնյանը չի ներկայացրել, ինձ համար ծիծաղելի է՝ որտեղից են նման տեղեկություններ տարածվում: Ես կարող եմ ասել, որ 2018-ից ի վեր սատարել եմ «Քաղաքացիական պայմանագիր» կուսակցությանը որպես քաղաքացի եւ դրա համար չեմ բացառում իմ անդամակցությունը. դա եղել է միշտ իմ մտքին, բայց ԱԺ նախագահի կողմից երբեք նման պահանջ ինձ չի ներկայացվել», - ասաց նա: Ինչ վերաբերում է իր աշխատասենյակում Նիկոլ Փաշինյանի լուսանկարը փակցնելուն, ԱԺ նախագահի խոսնակն ասաց. «Ես ասացի, որ հեղափոխությանը սատարում եմ, ՔՊ-ին սատարում եմ, դրա համար սա շատ նորմալ եմ համարում»: Նշենք, որ Նելլի Ղուլյանը ԱԺ նախագահի խոսնակի պաշտոնը զբաղեցնում է այս տարվա հունվարից. մինչ այդ զբաղեցնում էր Էլյունովիկայի նախարարի մամուլի քարտուղարի պաշտոնը: Հավելենք, որ Ալեն Սիմոնյանը Նույնիսկ խոստացել է խոսնակին ԱԺ պատգամավոր դարձնել մյուս ընտրություններում:



Երեւանի ավագանու «Մայր Հայաստան» խմբակցությունը հայց է ներկայացրել՝ ընդդեմ Երեւանի ավագանու: Այսպիսով, դեռ փետրվարի 7-ին կայացած նիստում Երեւանի ավագանին որոշեց ընդդիմադիր «Մայր Հայաստան» խմբակցության 2 անդամների՝ Նարինե Հայրապետյանին եւ Սոնա Աղեկյանին գրել մանդատից: Ավագանու ընդդիմադիր անդամների մանդատից գրելու համար քաղաքային իշխանությունները հիմք էին վերցրել նախագծերի քվեարկություններին չնասանկցելը: Սոնա Աղեկյանը եւ Նարինե Հայրապետյանը թեեւ ներկայացել էին նիստերին, սակայն, որպես քաղաքական բոլորտի տարբերակ, չէին մասնակցել նախագծերի քվեարկություններին: «Ժողովուրդ» օրաթերթը տեղեկացավ, որ «Մայր Հայաստան»-ը օրեր առաջ՝ փետրվարի 29-ին, հայց է ներկայացրել Վարչապետի դատարան՝ վիճարկելու Սոնա Աղեկյանին մանդատից գրելու որոշումը: Մեզ «Մայր Հայաստան»-ից հայտնեցին, որ առաջիկայում Նարինե Հայրապետյանի մասով եւս հայց են ներկայացնելու. քանի որ վերջինս երկրում չէ, թղթաբանության հետ կապված խնդիրներ են առաջացել, ու գործընթացը ձգձգվել է: Տեսնենք՝ փաշինյանական դատարանները ինչ վարք կորստերեն:



Քանի որ իշխող ուժը՝ ՔՊ-ն, ԱԺ-ում չնասանկցեց ՍԴ դատավորի պաշտոնում դատավորների ընդհանուր ժողովի կողմից առաջադրված Դավիթ Բալայանի թեկնածության քվեարկությանը, դատավորները էլի պետք է հավաքվեն: Կրկին պիտի ՍԴ դատավորի թեկնածու ընտրեն եւ ուղարկեն ԱԺ-ի հաստատմանը: Դատական համակարգում ակտիվ քննարկում են, թե ում ընտրեն, որ ՔՊ-ի սրտով լինի: Քաղաքական իշխանությունը իր «սրտի» թեկնածուին է փորձում առաջ տանել, իսկ դատական համակարգը չի հանձնվում եւ ամեն գնով իր թեկնածուին է առաջ տանելու: Մեզ հասած տեղեկությունների համաձայն՝ չի բացառվում, որ Հակակոռուպցիոն կոմիտեի նախագահ Սասուն Խաչատրյանի եղբայրը՝ Դավիթ Խաչատրյանը, կրկին առաջադրվի, որին դատավորները մի անգամ արդեն մերժել էին: «Ժողովուրդ» օրաթերթը փորձեց այս հարցը անձամբ նրանից ճշտել, սակայն մեր հարցորդագրություններն ու զանգերը մնացին անպատասխան: Հիշեցնենք, որ ՍԴ դատավոր դառնալու համար դատավորներին էր դիմել Երեւան քաղաքի դատավոր Դավիթ Բալայանը եւ Հակակոռուպցիոն կոմիտեի նախագահ Սասուն Խաչատրյանի եղբայրը՝ Դավիթ Խաչատրյանը, որը մի քանի ամիս առաջ էր ԲԴԽ-ից գնացել ու ԱԺ-ում ընտրվել Վճռաբեկ դատարանի դատավոր: Դատավորները 158 ձայն տվեցին Դավիթ Բալայանին, սակայն Բալայանին ՔՊ-ն չընտրեց: Ուստի, հերթական անգամ դատավորները հավաքվելու են առաջիկայում: Հիշեցնենք, որ ՀՀ սահմանադրական դատարանի դատավոր Արայիկ Թունյանը հրաժարական տվեց, եւ ԱԺ-ն, հիմք ընդունելով հրաժարականի մասին դիմումը եւ առաջնորդվելով «Ազգային ժողովի կանոնակարգ» սահմանադրական օրենքի 147-րդ հոդվածի 2-րդ մասով, 2024 թվականի հունվարի 4-ից դադարած համարեց Սահմանադրական դատարանի դատավոր Արայիկ Թունյանի լիազորությունները: Նշենք, որ Թունյանն ընտրվել է Եվրասիական տնտեսական միության դատարանի դատավոր եւ այդ պատճառով հրաժարական տվեց ՍԴ դատավորի պաշտոնից:



ՀԱՅԱՍՏԱՆ-ԵՍ

ՉԻ ԲԱՅԱՌՈՒՄ ԱՆԴԱՄԱԿՅՈՒԹՅՈՒՆԸ

«Քաղաքացիական դայմանագիր» կուսակցությունը բազմաթիվ անգամ հայտարարել է իր դասրասակամությունը եւ ցանկությունը՝ համագործակցելու եվրոպական քաղաքական ընթացիկ անդամների հետ...



Պատգամավորը նախ նշեց, որ ՔՊ-ն յուրաքանչյուր հինգշաբթի իր գրասենյակում ունենում է կուսակցության նախաձեռնող խմբի հանդիպումներ, որոնց ընթացքում քննարկվում են ամենատարբեր օրակարգային հարցեր՝ կապված թե՛ կուսակցության զարգացման, թե՛ առհասարակ կուսակցության դերի եւ նշանակության հետ:

«Այդ համատեքստում, բնականաբար, մենք նաեւ քննարկում ենք մեր համագործակցությունները համաշխարհային տարբեր կուսակցական միավորների հետ, որոնց հետ ունենք գաղափարական ընդհանրություններ, եւ, քանի որ բոլորի համար պարզ է, որ մենք ոչ մեկ անգամ ենք հայտարարել մեր պատրաստակամությունը եւ ցանկությունը համագործակցելու եվրոպական քաղաքական ընտանիքի անդամների հետ, բնական էմ համարում քննարկումները եվրոպական քաղաքական կուսակցությունների միավորումների վերաբերյալ, որպեսզի մեր կուսակցականները եւ բոլորը հստակ պատկերացումներ ունենան եվրոպական կուսակցությունների գաղափարախոսությունների, մեր ընդհանրությունների եւ համագործակցության հնարավորությունների մասին»,- ասաց Հովհաննիսյանը:

Ճշգրտող հարցին՝ հնարավոր է արդյոք անդամակցություն որեւէ եվրոպական կուսակցության, Հովհաննիսյանը պատասխանեց՝ չի բացառում:

«Քաղաքացիական պայմանագիր» խմբակցության պատգամավոր, Պետաիրավական հանձնաժողովի նախագահ Վլադիմիր Վարդանյանն իր հերթին նշեց, որ բավականին երկար ժամանակ ՔՊ-ն եվրոպայի խորհրդի խորհրդարանական վեհաժողովում մասնակցում է տարբեր քաղաքական խմբերի ձեւաչափով քննարկումներին: «Մեր պատմիրակության մի մասը թե՛ ընդդիմադիր, թե՛ իշխող խմբակցություններից, ընդգրկված է եվրոպական ժողովրդական կուսակցության պատգամավորական խմբում: Օրինակ՝ ՀՅԴ-ն սոցիալիստների խմբում է եւ սոցիալիստների համաեվրոպական կուսակցական շարժման մաս է, «Լուսավոր Հայաստան» կուսակցությունը եղել է ժողովրդավարների եւ լիբերալների այլաձև

մաս, «Բարգավաճ Հայաստան» կուսակցությունը մաս է կազմել կոնսերվատորների խմբին: Այսինքն՝ սա քննարկում չէ, որ աննախադեպ բնույթ է կրում, սա քննարկում է, որը ինչ-որ տեղ ուշացած է: Մենք բավականին երկար ժամանակ քննարկել ենք այս հարցը եւ շարունակում ենք քննարկումներն ու ակտիվ աշխատանքներ ենք իրականացնում այս ուղղությամբ»,-եզրափակեց Վարդանյանը: Փետրվարի 29-ին տեղի է ունեցել «Քաղաքացիական պայմանագիր» կուսակցության նախաձեռնող խմբի նիստ, որը վարել է վարչության նախագահ, ՀՀ վարչապետ Նիկոլ Փաշինյանը: Քննարկվել են եվրոպական կուսակցական միությունների գաղափարախոսությունները:

ՔՐԻՍՏԻՆԱ ՄՈՒՇԵՂՅԱՆ

ԴԱՏԱՊԱՐՏԵԼ Է

ԱՄՆ Սենատի արտաքին հարաբերությունների հանձնաժողովի անդամ Ռենդ Փոլը դատապարտել է Թուրքիայի եւ Ադրբեջանի կողմից F-16-ների օգտագործումը 2020 թվականին Հայաստանի եւ Լեռնային Ղարաբաղի դեմ հարձակումներում. այս մասին հայտնում է ԱՄՆ Հայ դատի հանձնախումբը: Սենատորը կոչ է արել ընդունել բանաձեւը՝ Թուրքիայի կառավարությանը F-16-ների եւ պաշտպանական այլ սպորանքների վաճառքի համար Կոնգրեսի անհամաձայնության վերաբերյալ: Թուրքիային F-16-ի վաճառքը արգելափակելու բազմաթիվ պատճառների թվում Փոլը հիշեցրել է Հայաստանի պաշտպանության նախարարությունը պնդումը, որ 2020 թվականի սեպտեմբերի 29-ին թուրքական F-16-ը Հայաստանի օդային տարածքում խոցել է հայկական ՍՈՒ-25 ինքնաթիռ: «Թուրքիան սերտորեն կանգնած է եղել իր դաշնակից Ադրբեջանի կողքին տարածաշրջանն իրեն հպատակեցնելու իր ջանքերում՝ տրամադրելով մարտական անօդաչու թռչող սարքեր, ռազմական տեխնիկա, ուսուցում եւ, եթե հավատալու լինենք Հայաստանի կառավարությանը, ուղղակի մարտական աջակցություն: Ուրեմն մեր ինքնաթիռները՝ F-16-երը, որ տալիս ենք թուրքերին, փաստացի օգտագործվում են Հայաստանի հետ մեկ այլ պատերազմում»,-ասել է սենատորը:

Նա շեշտել է, որ 2020-ի պատերազմում եւ 2023-ին Ադրբեջանի հետագա ռազմական գործողությունների հետեւանքով զոհվել են հազարավոր մարդիկ, ստեղծվել է հումանիտար աղետ՝ ստիպելով ավելի քան 100 հազար մարդու տեղահանվել: Սենատոր Փոլի բանաձեւը ստացել է երկկուսակցական աջակցություն սենատորներից: Բանաձեւը, սակայն, ընդունվելու համար բավարար ծայեր չի ստացել:

ՀԱՆԴԻՊԵԼ ԵՆ

Հանրապետության նախագահ Վահագն Խաչատրյանն Էրբիլում հանդիպում է ունեցել Իրաքյան Քուրդիստանի նախագահ Նեջրվան Բարզանիի հետ: Նախագահի աշխատակազմից հայտնում են, որ ողջունելով Հայաստանի նախագահի պաշտոնական այցը՝ Նեջրվան Բարզանին ընդգծել է, որ նմանօրինակ այցելությունները նպաստում են ոչ միայն երկկողմ, այլեւ տարածաշրջանի երկրների միջեւ հարաբերությունների սերտացմանն ու զարգացմանը: Նախագահ Վահագն Խաչատրյանը շնորհակալություն է հայտնել ջերմ ընդունելության համար եւ նշել, որ բարձր մակարդակի փոխայցելությունները դրականորեն նպաստում են ինչպես ժողովուրդների միմյանց ճանաչողությանը, այնպես էլ խթանում տնտեսական, մշակութային, տուրիստական, գործարար եւ այլ ոլորտներում առկա կապերի ամրապնդումն ու նոր շփումների ձեւավորումը: Հանդիպման ընթացքում քննարկվել են տնտեսության, բարձր տեխնոլոգիաների, թվային կառավարման, տուրիզմի, կրթության եւ գիտության ու այլ ոլորտներում փոխառաջակցության համագործակցության զարգացման ուղղությամբ անհրաժեշտ քայլերի իրականացման վերաբերյալ հարցեր:

ԿԱՐԾԻՔ

ՊԵՏՔ Է ԼԻՆԻ ԲԱԼԱՆՍԱՎՈՐՎԱԾ

Հայաստանի ազգային ժողովի ընդդիմադիր «Պաշիվ ունեն» խմբակցության ղեկավար Հայկ Մամիջանյանը համարում է, որ ՀՀ արտաքին քաղաքականությունը ղեկավարվում է լինի բալանսավորված:

Մամիջանյանը նման դիրքորոշում հայտնեց խորհրդարանական ճեպագրույցում անդրադառնալով ԵՄ անդամակցության հնարավոր թեկնածու դառնալու վերաբերյալ հարցին:

«Ես համարում եմ, որ ՀՀ արտաքին քաղաքականությունը պետք է լինի բալանսավորված, այնպիսին, ինչպիսին եղել է: Ես պատիվ ունեմ ներկայացնելու մի քաղաքական միավոր (Հայաստանի հանրապետական կուսակցություն), որը պատասխանատվություն է կրում Հայաստան-ԵՄ համապարփակ եւ ընդլայնված գործընկերության համաձայնագրի ստորագրման եւ վավերացման մեծ մասի համար»,-ասաց Մամիջանյանը:

Նա հավելեց՝ երկրորդ նախագահ Սերժ Սարգսյանի վարած արտաքին քաղաքականությունից կարելի է ենթադրել, որ նրա քաղաքական թիմի անդամը բալանսավորված արտաքին քաղաքականության կողմնակից է:

«Յուրաքանչյուր դաշնակցային հարաբերություն, յուրաքանչյուր գործընկերային հարաբերություն պետք է ծառայի Հայաստանի շահին: Անվտանգություն պետք է որոնես այնտեղ, որտեղ անվտանգություն գեներացնող են, ոչ թե սպառող, տնտեսական զարգացում պետք է որոնես այնտեղ, որտեղ դու մրցունակ ես: Օրենքի գերակայություն, անկախ դատական համակարգ, ժողովրդավարություն պետք է որոնես այնտեղ, որտեղ դա լավ է զարգացած: Եվ յուրաքանչյուր գործընկերոջից կամ դաշնակցից պետք է պայմանագրային, գործընկերային, դաշնակցային հիմունքներով կարողանաս ստանալ իմ նշաններից յուրաքանչյուրը քո երկրի համար»,-ասաց Մամիջանյանը:

Նա կարեւորեց Հայաստանի արտաքին քաղաքականությունը կառուցելը՝ հաշվի առնելով տարածաշրջանը, աշխարհաքաղաքական իրավիճակը եւ այլ գործոններ:

Մամիջանյանը համեմատությամբ խոսեց. երկու փիղ իրար հետ մենամարտում են, երբեք չես կարող ասել, թե որ փիղը կհաղթի, բայց այն վայրը, որտեղ այդ մենամարտը տեղի է ունենում, վստահաբար ավերակների է վերածելու: Նա մեղադրեց Հայաստանի իշխանությանը վարած քաղաքականության շատ ասպեկտներով այդտեղ տանելու համար:

Նա շեշտեց՝ երբեք չի հանդուրժի, որ իր հայրենիքը դառնա աշխարհաքաղաքական հաշիվ պարզելու վայր:

Ավելի վաղ ԱԺ նախագահ Ալեն Սիմոնյանը լրագրողների հետ գրույցում, անդրադառնալով հարցին, թե Հայաստանը պատրաստ է արդյոք ԵՄ-ի անդամության թեկնածու դառնալուն, ըստ էության, չէր բացառել դա:

ՂԱՆԱԿԱՐԱՐՈՒԹՅՈՒՆ

3 ԲԱՂԱՔԱՑԻ՝ ՄԱՐՄԵԱԿԱՆ ՎՆԱՍՎԱԾՔՆԵՐՈՎ

Փետրվարի 29-ին դաճակահարություններ են սեղի ունեցել Երեւանում: Ժամը 22:50-ի սահմաններում ՀՀ ներքին գործերի նախարարության ոստիկանության էրեբունու բաժնում օդերափոխված սեղեկություններ են ստացվել, որ Նուբարաբեն վարչական շրջանում մի խումբ անձանց միջև վեճ է սեղի ունեցել, որի ժամանակ 3 հոգի դաճակահարվել է:

Ինչպես հայտնում է ֆոտոլրագրող Գագիկ Շամշյանը, Նուբարաբեն են մեկնել 33 ՆԳՆ ոստիկանության էրեբունու բաժնի օպերատիվ խումբը՝ բաժնի պետ Դավիթ Պետրոսյանի, բաժնի պետի օպերատիվ գծով տեղակալ Սենիկ Երանոսյանի և նույն բաժնի քրեական հետախուզության բաժանմունքի պետ Սամվել Մամիկոնյանի գլխավորությամբ:

Ժամանակ են նաեւ 33 ՆԳՆ ոստիկանության պարեկային ծառայության Երեւան քաղաքի գնդի 2-րդ գումարտակի 1-ին վաշտի պարեկները՝ գնդի հրամանատար Անդրանիկ Իսախանյանի, գումարտակի հրամանատար Արսեն Ստեփանյանի, գումարտակի հրամանատարի տեղակալ Դավիթ Նիկողոսյանի և վաշտի հրամանատար Վլադիմիր Դերձյանի գլխավորությամբ:

Ոստիկանների և պարեկների այսքան շատ ժամանակն պատճառը նրանում է, քանի որ կարճ ժամանակ անց «Սուրբ Աստվածամայր» բժշկական կենտրոնից ոստիկանության էրեբունու բաժնի ահազանգ է ստացվել, որ մարմնական վնասվածքներով իրենց մոտ է տեղափոխվել 3 քաղաքացի:

Էրեբունու ոստիկանները կարճ ժամանակում պարզում են, որ նրանք տեղափոխվել են Նուբարաբեն վարչական շրջանից:

Հիվանդանոց մեկնած ոստիկանության Նուբարաբենի բաժանմունքի ծառայողներին՝ բաժանմունքի պետ Կարեն Զովհաննիսյանի գլխավորությամբ, բժիշկները հայտնում են, որ վիրավորները գտնվում են հետազոտման մեջ և չեն կարող կատարվածի մասին բացատրություններ տալ:

Մինչ բժիշկները վիրավորներին օգնություն էին ցուցաբերում, ոստիկանության էրեբունու բաժնի, ոստիկանության Նուբարաբենի բաժանմունքի և ՊԾ Երեւան քաղաքի գնդի 2-րդ գումարտակի պարեկները պարզել են, որ վիրավորները Նուբարաբեն վարչական շրջանի բնակիչներ 21-ամյա Մանվել Գ. և 21-ամյա Սամվել Պ. և է 24-ամյա Արթուր Գ. և:



Նշված անձինք եղել են էրեբունի բժշկական կենտրոնում, իսկ այնուհետև նրանք տեղափոխվել են «Սուրբ Աստվածամայր» բժշկական կենտրոն:

«Էրեբունի» և «Սուրբ Աստվածամայր» բժշկական կենտրոնների բժիշկների շնորհիվ նրանց կյանքին վտանգ չի սպառնում:

Ոստիկաններն ու պարեկները, չունենալով հստակ դեպքի վայր, Նուբարաբենի վարչական տարածքում մի քանի ժամ շարունակ հետախուզական աշխատանքներ են կատարել, ի վերջո պարզվել են դեպքի որոշ հանգամանքներ, ինչպես նաեւ դեպքի վայրը, որտեղ հայտնաբերվել են արևանման հետքեր:

Գ. Շամշյանի տեղեկություններով՝ երեկ ժամը 20:30-ի սահմաններում, Նուբարաբեն 11 փողոցի վերջնամասում Սամվել Գ. և ավտոմեքենան կանգնեցնելու հարցի շուրջ վիճաբանել է Նուբարաբենի բնակիչ 17-ամյա Զայլ Փ. և հետ, որից հետո՝ արդեն ժամը 21:00-ի սահմաններում, վերջիններիս միջև վիճաբանությունը շարունակվել է արդեն Նուբարաբենի 9-րդ փողոցում գործող ավտովազման կետում, իսկ արդեն 22:00-ի սահմաններում Նուբարաբենի 6-րդ փողոցի 130 շենքի բակում Սամվել Գ.-ի հոր՝ Արման Գ.-ի հետ վիճաբանել են Մանվել Գ.-ն, Սամվել Պ.-ն և Արթուր Գ.-ն, որի ժամանակ Սամվել Գ.-ն իր մոտ գտնվող դանակով հարվածել է մարմնական վնասվածքներ է հասցրել Նշված անձանց:

Ահազանգով դեպքի վայր են ժամանել 33 քննչական կոմիտեի Երեւանի քննչական վարչության էրեբունի և Նուբարաբեն վարչական շրջանների քննչական բաժնի խումբը՝ բաժնի պետ Զամբարձում Պողոսյանի գլխավորությամբ:

Դեպքի փաստով էրեբունի և Նուբարաբեն վարչական շրջանների քննչական բաժնում նախաձեռնվել է քրեական վարույթ, քննիչի որոշմամբ Նշանակվել է դատաբժշկական փորձաքննություն:

Մինչ դեպքի վայրում աշխատում էր քննչական խումբը, ոստիկանները հայտնաբերել են կասկածյալ Սամվել Գ.-ին և տեղափոխել ոստիկանության էրեբունու բաժնի, որտեղից էլ նրան ներկայացրել են էրեբունի և Նուբարաբեն վարչական շրջանների քննչական բաժին:

Դեպքի փաստով նախաքննությունը շարունակվում է:

Ծանուցում. ենթադրյալ հանցանքի մեջ կասկածվողը կամ մեղադրվողը համարվում է անմեղ, քանի դեռ նրա մեղավորությունն ապացուցված չէ 33 քրեական դատավարության օրենսգրքով սահմանված կարգով՝ դատարանի՝ օրինական ուժի մեջ մտած դատավճռով:

ՔՆՆՐ ՍՆՆՈՒԿՅԱՆ

ՅԵՏՆԵԱՑ

ՈՉ ՄՐՏԱՑԱՎ ՄՈՏԵՑՈՒՄ

Վերջին տարիներին 33 ներքին գործերի նախարարության ոստիկանության Շենգավիթի բաժնը, կարելի է ասել, հետընթաց է գրանցել բոլոր հանցատեսակների դեմ պայքարում, ու պատճառներից մեկը բաժնում որոշ պաշտոնյաների ոչ սրտացավ մոտեցումն է համակարգի նկատմամբ: Եթե նախկինում Շենգավիթի բաժնը համարվում էր ոստիկանության առաջամարտիկներից, ապա հիմա համարվում է ոստիկանության «ուռուցքը», «կույր աղիքը», ու դրա վառ ապացույցը փետրվարի 29-ին Շենգավիթի վարչական տարածքում տեղի ունեցած սպանությունն է, որը բաժնի պետ «Մեծն» Անդրանիկ Շահբազյանը, որը սիրում է տարբեր տեղերում տարածել, թե իր թիկունքին կանգնած է վերջերս գեներալ դարձած ինչ-որ պաշտոնյա, բաժնի պետի օպերատիվ գծով տեղակալ, Մարգար Աղա անունը ստացած Մարգար Ներսիսյանը փորձում էին կոծկել:

Ֆոտոլրագրողի տեղեկություններով՝ փետրվարի 29-ին 33 ներքին գործերի նախարարության ոստիկանության Երեւան քաղաքի վարչության քրեական հետախուզության բաժնում օպերատիվ տեղեկություններ են ստացվել, որ Նոր հարբերդի 24-րդ փողոցի տնեցի մեկում սպանություն է տեղի ունեցել: Ահազանգը փոխանցվում է ոստիկանության Շենգավիթի բաժնի, որտեղից էլ Նշված հասցե են ժամանում ոստիկանության Շենգավիթի բաժնի պետ Անդրանիկ Շահբազյանն ու բաժնի պետի օպերատիվ գծով տեղակալ Մարգար Ներսիսյանը: Արդեն տեղում, դեռ դատաբժիշկը դին չվնասած, բաժնի պետն ու օպերագծով տեղակալը իրենց դնում են Շերլոկ Յոլմսի տեղը ու հայտարարում, թե՛ ոչ, տեղի ունեցածը սպանություն չէ, այլ հանկարծամահություն, ու փորձում են ներկայանալ «ականջներին լափշա կախել», թե մահացածը տարիքով կին էր, դրա համար էլ հանկարծամահ է եղել: Ահազանգով ժամանում են Զայաստանի քննչական կոմիտեի Երեւան քաղաքի քննչական վարչության Շենգավիթի քննչական բաժնի խումբը, և քննիչները ցուցաբերում են պրոֆեսիոնալիզմ ու տեղում պարզում, որ տեղի ունեցածը ոչ թե հանկարծամահություն է, այլ սպանություն, ու մինչ Շենգավիթի «Մեծն» բաժնի պետը և «միջնեկ» օպերագծով տեղակալը «լուր են կարդում» ու փորձում են դարձյալ համոզել, որ տեղի ունեցածը հանկարծամահություն է, ոստիկանության Երեւան քաղաքի վարչության քրեական հետախուզության բաժնի ծառայողները ծանր մարմնական վնասվածքներ պատճառելու կասկածանքով ձերբակալում են մահացածի՝ 74-ամյա Սուսաննա Պ.-ի որդուն՝ 53-ամյա Գեորգ Ե.-ին, ում սպանություն կատարելու կասկածանքով բերման են ենթարկում ոստիկանության Շենգավիթի բաժնի: Դատաբժշկի նախնական եզրակացության համաձայն՝ արտաքին գննությամբ դեմքի և գլխի հատվածում հայտնաբերվել են վնասվածքի հետքեր: Քննիչի որոշմամբ Նշանակվել է դիակի դատաբժշկական փորձաքննություն: Կասկածյալը ոստիկանության Շենգավիթի բաժնից ներկայացվել է Զայաստանի քննչական կոմիտեի Երեւան քաղաքի քննչական վարչության Շենգավիթի քննչական բաժնի:

ԿԱՄԵԿ ՏՈՒԺԱԾ

ՇՂԹԱՅԱԿԱՆ ԱՎՏՈՎԹԱՐ՝ ԵՐԵՎԱՆՈՒՄ

Փետրվարի 29 խոշոր ու շրջաօդային ավտոձեռքար է սեղի ունեցել Երեւանում: Ժամը 22:00-ի սահմաններում Խաակովի դողոցայում՝ ՀՀ ներքին գործերի նախարարության ոստիկանության գործերի հարեանությունը, բախվել են «Mercedes G», «Mercedes C», «Mercedes E», «Toyota Camry», «Hyundai Elantra» և «Renault Logan» մանկիչի ավտոմեքենաները:

հետեւանքով ճանապարհը մասամբ դարձել է դժվարանցանելի:

Օպերատիվորեն ժամանել են 33 ներքին գործերի նախարարության ոստիկանության պարեկային ծառայության Երեւան քաղաքի գնդի 2-րդ գումարտակի 2-րդ վաշտի պարեկները՝ գնդի հրամանատար Անդրանիկ Իսախանյանի, գնդի ծառայության գծով ավագ տեսուչ Զարույթուն Գրիգորյանի, գումարտակի հրամանատար Արսեն Ստեփանյանի, գումարտակի հրամանատարի տեղակալ Դավիթ Նիկողոսյանի գլխավորությամբ: Տարածքը սահմանազատել են նույն վաշտի պարեկներ Արտյոմ Զոբանյանն ու Գոռ Մելքումյանը:

Վթարի մասին ՊԾ Երեւան քաղաքի գնդից տեղեկությունը փոխանցել են Զայաստանի քննչական կոմիտեի Երեւան քաղաքի քննչական վարչության ճանապարհատրանսպորտային հանցագործությունների քննության բաժնի, որտեղից ժամանել է քննչական խումբը՝ բաժնի պետ Գոռ Թադեոսյանի և քննիչ Մակար Միրզայանի գլխավորությամբ:

Վթարի փաստով քննչական բաժնում նախաձեռնվել է քրեական վարույթ, որտեղ էլ պարզվում են վարորդների և վիրավորի ինքնությունը:

Դեպքի վայրում հավաքված մի քանի քաղաքացիներ ասում էին, որ վթարի մեղավորը եղել է «Mercedes»-ներից մեկի վարորդը, իսկ «Mercedes G»-ն վարել է Ազգային ժողովի պատգամավորներից մեկի մերձավորը:

● Ըստ ոստիկանության տվյալների՝ փետրվարի 29-ից մարտի 1-ը 33 ՆԳՆ ոստիկանության ստորաբաժանումները բացահայտել են հանցագործության 111 դեպք, որից 3-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ԿԱՅՔԸ ՉԻ ԹԱՐՄԱՑՎՈՒՄ

Դիլիջանի համայնքապետարանի ինտերնետային կայքում վերջին նորությունը տեղադրվել է ավելի քան երկու ամիս առաջ՝ 2023թ. դեկտեմբերի 27-ին. այդ տեղեկությունն էլ սեփական չէ, այլ «Վեոլիա ջուր» ընկերության հայտարարությունն է Դիլիջանում ջրամատակարարումը ժամանակավորապես անջատելու մասին: Դիլիջանի համայնքապետարանի կայքում տարին չի փոխվել, կարծես 17 հազար բնակիչ ունեցող գրասաջրջային Դիլիջան քաղաքում եւ Դիլիջան համայնքի 6 գյուղերում անցած ավելի քան երկու ամսվա ընթացքում ոչ մի իրադարձություն տեղի չի ունեցել: Դիլիջանի բնակիչներից տեղեկացա, որ Դիլիջանի համայնքի ղեկավարի մամուլի քարտուղար Արմին Թամրազյանն ամուսնացել, բալիկ է ունեցել, ներկայումս ինստիտուտ է փոքրիկին: Նրա անունը ներկայումս բացակայում է համայնքապետարանի ինտերնետային կայքում տեղադրված՝ համայնքապետարանի աշխատակազմի անդամների ցանկից: Համայնքապետարանի մամուլի քարտուղարը ֆիզիոլոգիական արձակուրդում է, ինչու՞ նրա փոխարեն ժամանակավորապես աշխատող չեն ընդունել, որպեսզի նա համայնքապետարանի կայքը նորություններով թարմացնի: Դիլիջանի համայնքապետարանի կայքում շատ ակտիվորեն, մեծ արագությամբ լրացվում է համայնքի ղեկավարի կայացրած որոշումների բաժինը: Համայնքի ղեկավարի որոշումները մեծամասնությամբ վերաբերում է հողերի վաճառքին, հողամասերի տրեքին, ընդլայնման նպատակով, ուղի վաճառքով օտարվող հողերին եւ այլն: Մինչեւ 2018 թվականի հեղափոխությունը բեկազլցակայանում որպես լիցենզավորող աշխատած, Դիլիջանի պետական թուղթի շրջանավարտ, այժմ Եվրոպական համայնքապետարանում հեռակա սովորող, անձնական գործում իր սեռը «արու» գրած Դավիթ Սարգսյանի որոշումներով համայնքի հողերը ձեռնարկելու անուրիներով, շուկայականից էժան գներով օտարվում են ոչ միայն Դիլիջանի համայնքի, այլեւ Երեւանի, Վանաձորի, Իջեւանի բնակիչների: Այդ ձեռնարկի անուրիների հետեւանքով համայնքի բյուջե չեն մտնում հարյուրավոր միլիոն դրամներ: Դիլիջան քաղաքի ավտոկայարանի հարակից տարածքից, միջպետական մայրուղուց դեպի Դիլիջանի համայնքապետարանի շենք բարձրացող ճանապարհի ոլորաններից մեկում տեղադրված է հողի վաճառքի հայտարարություն. Դիլիջան քաղաքի կենտրոնում վաճառվում է 408 քառակուսի մետր հող, գինը՝ 460 հազար դոլար: Գրված է նաեւ վաճառողի անունը եւ բջջային հեռախոսահամարը: Ահա այսպիսի բարձր են Դիլիջան քաղաքի հողերի շուկայական գները, մինչդեռ ԶԻ-ական համայնքապետարանում թափով համայնքի հողերն օտարում է շուկայականից շատ ցածր գներով: 2024 թվականին 1 միլիարդ 471 միլիոն 748 հազար 150 դրամ բյուջե ունեցող համայնքում այդպես էլ չեն լուծվում Դիլիջանի շատ փողոցների նորոգման, պատշաճ արքայապառայան, թափառող, անտեր, ագրեսիվ շների վնասագերծման եւ բազում այլ հարցեր:

ՈՍՎԻՆ ՍՈՐՈՍՅԱՆ
Տավուշ

«ԴԱՍԱՎԱՆԴՈՒՄ՝ ՀԱՆՈՒՆ ՀԱՋՈՂՈՒԹՅԱՆ»

ԼԱՎԱԳՈՒՅՆ ՓՈՐՁԻ ՏԵՂԱՅՆԱՅՈՒՄԸ՝ ԿԱՐԵՎՈՐ

ՀՀ կրթության, գիտության, մշակույթի եւ սպորտի նախարարի տեղակալ Արաք Սվաջյանն ընդունել է Բրիտանական խորհրդի Անգլերեն գլոբալ ծրագրերի ղեկավար Մայլ Քոնոլի գլխավորած դասվիրակությանը: Հանդիպմանը ներկա են եղել նաեւ Բրիտանական խորհրդի հայաստանյան մասնաճյուղի սեփական Ադդե Հովասափյանը, ԿԳՄՄ հանրակրթության վարչության ղեկավար Թամար Սարգսյանը, նախարարության այլ ներկայացուցիչներ:



Ինչպես տեղեկացանք ՀՀ կրթության, գիտության, մշակույթի եւ սպորտի նախարարությունից, Մայլ Քոնոլին Հայաստան է ժամանել ուսուցիչների շարունակական մասնագիտական զարգացման համակարգի ներդրման հարցում Բրիտանական խորհրդի հայաստանյան մասնաճյուղի աշխատանքների ծանոթանալու, ինչպես նաեւ «Դասավանդում հանուն հաջողության» խորագրով համաժողովին մասնակցելու նպատակով: Համաժողովին մասնակցության հայտ են ներկայացրել Երեւանի եւ ՀՀ մարզերի՝ անգլերեն դասավանդող ավելի քան 800 ուսուցիչներ: Ընդ որում՝ հայտատուների շուրջ 50%-ը ՀՀ մարզերից է:

Ըստ արքյուրի՝ որոշումներով հյուրերին՝ ԿԳՄՄ նախարարի տեղակալ Արաք Սվաջյանը կարեւոր է երկկողմ համագործակցությունը, ինչպես նաեւ առաջիկա համաժողովի անցկացումը: «Այն երկու հիմնական ուղղությունները, որոնցով մենք համագործակցում ենք Բրիտանական խորհրդի հետ անգլերենի ուսուցիչների կարողությունների զարգացման եւ, առհասարակ, ուսուցիչների մասնագիտական զարգացման համակարգի մշակման տեսանկյունից մեզ համար շատ կարեւոր են: Երկու ուղղություններով էլ բավականին լավ արդյունքներ են գրանցում»,- ասել է Արաք Սվաջյանը՝ ընդգծելով, որ Բրիտանական խորհրդի կողմից իրականացվող ծրագրերը համահունչ են «ՀՀ կրթության» մինչեւ 2030 թվականի զարգացման ծրագրին»:

«ՀՀ կրթական բոլոր մակարդակներում, հատկապես՝ հանրակրթության ոլորտում, բազմաթիվ մեծածավալ բարեփոխումներ են տեղի ունենում՝ թե՛ կրթության բովանդակության, թե՛ ենթակառուցվածքների, թե՛ ուսուցիչների մասնագիտական կարողությունների զարգացման, թե՛ դպրոցների կառավարման եւ ֆինանսական համակարգի բարելավման տեսանկյունից:

Բնականաբար, լավագույն փորձի տեղայնացումը մեզ համար կարեւոր ճանապարհ է»,- նշել է ԿԳՄՄ նախարարի տեղակալը:

Նշվում է, որ, շնորհակալություն հայտնելով ընդունելության համար՝ Բրիտանական խորհրդի Անգլերեն գլոբալ ծրագրերի ղեկավար Մայլ Քոնոլն ընդգծել է՝ Հայաստանի հետ համագործակցության հաջողված փորձը կարող է որպես մոդել դիտարկվել այլ երկրների կողմից: «Հայաստանի կառավարության եւ Բրիտանական խորհրդի միջեւ երկարաժամկետ համագործակցության մակարդակը լավագույն օրինակներից է, որը մենք ցանկանում ենք կիսել ամբողջ աշխարհի հետ: Հայաստանը հիանալի գործընկեր է հատկապես այն առումով, որ ոչ միայն զբաղվում է կրթական բարեփոխումների մշակմամբ, այլեւ աշխատում է դրանք կյանքի կոչելու ուղղությամբ: Ընդ որում՝ խոսքը ռազմավարական շատ հավակնուտ ծրագրի մասին է»,- ասել է Մայլ Քոնոլը:

ՀՀ ԿԳՄՄ նախարարության տեղեկացմամբ՝ անդարձառնալով ՀՀ-ում իրականացվող կրթական բարեփոխումներին՝ Արաք Սվաջյանը ներկայացրել է նաեւ Համաշխարհային բանկի կողմից հանրակրթության պետական չափորոշիչ՝ Տավուշի մարզում փորձարկման արտաքին գնահատման արդյունքները: «Տավուշի մարզում նոր չափորոշիչ ներդրման շրջանակում մենք երկու տարվա ընթացքում սովորողների մոտ կրթության

դիմադրություն 6 ամսվա աճ ենք գրանցել: Սա մեզ համար շատ կարեւոր ցուցանիշ է: 2015 թվականին մարդկային կապիտալի գնահատման շրջանակում հետազոտությունները ցույց են տվել, որ 12-ամյա կրթության ընթացքում մեր սովորողները ձեռք են բերում 8 տարվա գիտելիքներ: Մասնաճյուղում 4 տարիներն այնքան էլ արդյունավետ չեն անցնում դպրոցներում: Մեր կողմից նախատեսված այս գործողությունները հստակ կանոնակարգելու եւ ճիշտ ընթացքով իրականացնելու դեպքում կարող ենք կրճատել այն բացը, որն այժմ ունենք հանրակրթական դպրոցներում»,- ընդգծել է Արաք Սվաջյանը:

Նշվում է նաեւ, որ Բրիտանական խորհրդի Անգլերեն գլոբալ ծրագրերի ղեկավար Մայլ Քոնոլը փաստել է՝ մի պայմաններում, երբ ամբողջ աշխարհը քննարկում է, թե՛ համավարակի հետեւանքով յուրաքանչյուր երկիր դպրոցական համակարգում քանի ամսվա կամ նույնիսկ տարվա կորուստ է ունեցել, Հայաստանում գրանցված 6 ամսվա աճը, իսկապես, տպավորիչ է:

Հանդիպման ընթացքում կողմերը քննարկել են նաեւ երկկողմ համագործակցության այլ հեռանկարներ, մասնավորապես՝ ուղղված ուսուցիչների մասնագիտական կարողությունների զարգացմանը, նախագծային ուսուցմանն ու դպրոցների կառավարման բրիտանական փորձի ուսումնասիրությանը:

ՆԱՆԿԱ ՄՈՍՅԱՆ

ՀԱՂՈՐԴԱԳՐՈՒԹՅՈՒՆ

ՉԵՎԱԿԱՆ ԱՌՈՒՎԱՃԱՌՔ

Հայաստանի գլխավոր դասախառնությունը հաղորդագրություն է արձանագրել՝ հայտնելով, որ Մարտի մարզի բնակավայրերից մեկի ղեկավարը 2012 թվականին կենցաղի տունը շուկայականից ցածր գնով վաճառել է իր աններքը, այնուհետեւ առուվաճառի ձեռնարկով դառնալով գույքը վաճառել է համայնքի ղեկավարի կնոջը: Դասախառնության արձանագրության մեջ նշվում է, որ դասախառն գործն ուղարկել է դատարան:

«Գլխավոր դատախազությունը 2023 թվականի դեկտեմբերի 18-ին տեղեկացրել էր, որ հանրային քրեական հետապն-

դումներ են հարուցվել Արարատի մարզի Արտաշատ համայնքի բնակավայրերից մեկի ղեկավարի եւ վերջինիս կնոջ հոր նկատմամբ՝ համայնքային սեփականություն հանդիսացող կենցաղի տան շենքը վատման եղանակով հափշտակելու, իսկ հետագայում հանցավոր ճանապարհով ստացված խոշոր չափերով գույքն օրինականացնելու համար:

Քրեական վարույթի նախաքննության ընթացքում փողերի լվացման օժանդակելու համար հանրային քրեական հետապնդում է հարուցվել նաեւ բնակավայրի ղեկավարի կնոջ նկատմամբ:

Դատախազը 2024 թվականի մարտի 1-ին հաստատել է համայնքի ղեկավարի,

վերջինիս կնոջ եւ աներոջ վերաբերյալ մեղադրական եզրակացությունը եւ վարույթի նյութերի հետ հանձնել Հակակոռուպցիոն դատարան:

Հիշեցնենք, որ քաղաքացին, 2005 թվականից մինչ օրս զբաղեցնելով Արարատի մարզի Արտաշատ համայնքի բնակավայրերից մեկի ղեկավարի պաշտոնը, 2012 թվականին շուկայականից էականորեն ցածր գնով համայնքի հաշվեկշռում գտնվող կենցաղի տան շենքը վաճառել է իր աներոջը: Վերջինս տարիներ անց ձեռնարկելով առուվաճառքի պայմանագիր կնքելու միջոցով գույքը վաճառել է իր դստերը՝ բնակավայրի ղեկավարի կնոջը»,- ասված է հաղորդագրության մեջ:

● Անցած 1 օրվա ընթացքում հանրապետությունում արձանագրվել է ճանապարհատրանսպորտային 10 պատահար. 17 մարդ ստացել է տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ԲՆԱՊԱՅՊԱՆՈՒԹՅՈՒՆ

ՓՈՐՉՈՒՄ ԵՆ ԼՌԵՑՆԵԼ

Բնապահպան ակտիվիստների ճնշման նոր ձեռնարկ. բնապահպան Օլեգ Դուլգարյանն ահազանգում է, որ ԶՊՄԿ-ն իր դեմ 6 միլիոն դրամի հայց է ներկայացրել դատարան ել փորձում է լռեցնել:

Այս մասին տեղեկանում ենք «Համայնքային համախմբման եւ աջակցության կենտրոն» ՀԿ-ի նախագահ Օլեգ Դուլգարյանի ֆեյսբուքյան էջից:

«Հայաստանում բնապահպանական ակտիվիստների, իրավապաշտպանների նկատմամբ հանքարդյունաբերական ընկերությունների կողմից զրպարտության մեղադրանքով քաղաքացիական հայցեր դատարան ներկայացնելու գործընթացը շարունակվում է՝ ձեռք բերելով նորագույն երանգներ:

Դատարաններ հայցեր ներկայացնելը բնապահպանական ակտիվիստների եւ իրավապաշտպանների նկատմամբ արդեն մի քանի անգամ քաղաքացիական հասարակության կազմակերպությունները եւ միջազգային իրավապաշտպան ցանցերը որակել են ճնշման մի ուրույն ձեռնարկ, հետապնդում, այն է՝ դատական գործերով էկո-ակտիվիստներին եւ հանքարդյունաբերության ազդակիր համայնքների բնակիչներին լռեցնելու փորձ:

Հերթը հասավ ինձ. «Ջանգեզուրի պղնձամուլիբդենային կոմբինատ» ՓԲԸ-ն, որը ռուսական «Գեոպրոմայ-նիկ» ընկերության խմբի ակտիվներին է պատկանում, եւ որի բաժնետեր է հանդիսանում նաեւ ՀՀ կառավարությունը, քաղաքացիական հայց է ներկայացրել դատարան՝ պահանջելով իմ կողմից հերքում եւ բռնազանձում 6 000 000 ՀՀ (6 մլն) դրամ (մոտ 14 000 եվրո):

Նման գործընթացները բնորոշ են միայն ոչ ժողովրդավարական երկրներին եւ հասարակություններին:

Վստահ եմ՝ Ռուսաստանում եւս ժամանակին ազատ խոսքի եւ ակտիվիստների նկատմամբ ճնշումները մեկնարկել են իրավապաշտպանների նկատմամբ քաղաքացիական հայցեր ներկայացնելով, իսկ հետո եւ հիմա արդեն քրեական գործերով եւ մի քանի տարի ազատազրկմամբ:

Առհասարակ, նման գործընթացներն ուժեղացնում են մեզ. վստահ եմ սա այդ դեպքերից է:

Հիշեցնեմ, որ նույն ընկերությունը 2023 թվականին հայց էր ներկայացրել նույն պահանջներով նաեւ բնապահպանական ակտիվիստ եւ լրագրող Թեմիլնե Ենոքյանի նկատմամբ:

Վստահ եմ, որ քաղաքացիական հասարակությունը եւ միջազգային հանրությունը կտան իրենց գնահատականը այս գործընթացներին:

Ժողովրդավարությունը եւ սոցիալական արդարությունը Հայաստանում այլընտրանք չունեն», - գրել է Դուլգարյանը:

ԱՆՆԱԽԱՂԵՊ ՑՈՒՑԱՆԻՇ

ՀԱՆՐԱԿԻԹԱԿԱՆ ՉԱՓՈՐՈՇՉԻ ՓՈՐՉԱՐԿՈՒՄ

Միջազգային փորձագետներն աննախադեղ են համարել Տավուշի մարզում հանրակրթական դեռական չափորոշի փորձարկման արդյունքում արձանագրված ցուցանիշը:

Այս մասին հայտնեց ՀՀ կրթության, գիտության, մշակույթի եւ սպորտի նախարարի տեղակալ Արաքսիա Սվաջյանը՝ հավելելով, որ Տավուշի մարզում դեռ 2021 թվականից են մեկնարկել հանրակրթության պետական չափորոշի փորձնական ներդրման աշխատանքները:

«Մեզ համար շատ կարեւոր էր հասկանալ, թե ինչ արդյունքներ է ապահովում նոր չափորոշիչը, եւ արդյոք այն հնարավորություն է տալիս կրթության որակական փոփոխություններ գրանցել: Քանի որ հատկապես ԲՏԾՄ (բնագիտական, տեխնոլոգիական, ճարտարագիտական եւ մաթեմատիկա) առարկաների մասով նոր չափորոշիչի թե՛ մշակման եւ թե՛ փորձարարական ներդրման ծրագիրն իրականացվել է Եվրամիության եւ Համաշխարհային բանկի աջակցությամբ, վերջինիս կողմից նախաձեռնվել էր երկամյա փորձարարական ներդրման արդյունքների գնահատման գործընթաց միջազգային անկախ փորձագետների կողմից: Մենք բոլորս անհամբեր սպասում էինք այդ անկախ գեկույցի հրապարակմանը եւ դրա արդյունքներին:

Մեզ համար շատ ոգետրիչ արդյունքներ են գրանցվել, որովհետեւ երկու տարվա ընթացքում, ի համեմատ մյուս մարզերի դասարաններում սովորող երեխաների, Տավուշի մարզի երեխաների մոտ վեց ամսվա տարբերությամբ ավել դիսմաթիկա է գրանցվել», - անհրամասնել է Սվաջյանը: Նրա խոսքով՝ հետազոտությունը, որն իրականացվել է Հայաստանում մարդկային կապիտալի, ինչպես նաեւ կրթության ուղղությամբ, ցույց է տվել, որ 12-ամյա կրթության ընթացքում երեխաներն արդյունավետ օգտագործում են իրենց 8 տարին:

Տավուշի մարզի փորձարկումը ցույց է տվել, որ երկու տարվա ընթացքում 6 ամսվա չափով աճ է գրանցվել սովորողների մոտ, ինչը, միջազգային փորձագետների հավաստիացմամբ, աննախադեպ ցուցանիշ է, քանի որ բոլոր այն երկրները, որտեղ առաջընթաց է գրանցվում, ըստ փորձագետների, այդ ցուցանիշը մոտ երեք ամսվա է ակնկալվում:

Փոխնախարարն ընդգծել է, որ համավարակի, պատերազմական եւ հաջորդած դժվարին իրավիճակի ընթացքում մշակված եւ իրականացված ծրագրի նման արդյունքն իրականություն է դարձել ԿԳՄՍ նախարարության, ուսուցիչների



րի շնորհիվ, միջազգային փորձագետների ու գործընկերների աջակցությամբ:

«Իհարկե, սա ոգետրում է, բայց մենք չենք կարող հանգիստ լինել եւ մտածել, որ մեզ մոտ աճ է գրանցվում, նշանակում է ամեն ինչ լավ է: Այդ վերլուծությունը վկայում է նաեւ այն մասին, որ այստեղ հետեւողական, մանրամասն աշխատանք է անհրաժեշտ իրականացնել: Տավուշի մարզում մենք ունենք այս հաջողությունը, որովհետեւ մեծածավալ դասընթացներ են իրականացվել, բնագիտական լաբորատորիաներով եւ ապահովվել դպրոցները, այսինքն՝ բոլոր այն գործոնները, որոնք անդրադառնում են կրթության որակի վրա, մենք փորձել ենք ապահովել», - ասաց Սվաջյանը՝ ավելացնելով, որ այժմ նոր չափորոշիչի ներդրման գործընթացն իրականացվում է հանրապետության բոլոր մարզերի դպրոցների 2-րդ, 5-րդ, 7-րդ դասարաններում, եւ հետեւողական աշխատանքներ են տարվում բոլոր ուղղություններով, որպեսզի աճ գրանցվի նաեւ այս կրթօջախներում:

Մյուս ուսումնական տարում չափորոշիչը կներդրվի նաեւ 3-րդ, 6-րդ, 8-րդ եւ 10-րդ դասարաններում եւ հաջորդաբար արդեն մյուս դասարաններում եւս:

Սվաջյանը նշեց, որ այս տարի Տավուշի մարզում նոր կրթական չափորոշիչով ավարտող սովորողներ կան 4-րդ, 9-րդ, 10-րդ դասարաններում, եւ աշխատանքներ են իրականացվում, որպեսզի նրանց կրթական մակարդակի ատեստավորման գործընթացը համապատասխան ձեռնարկով իրականացվի:

«Օրինակ՝ նոր չափորոշիչի ներդրման կարեւոր բաղադրիչներից մեկը երեխաների հետազոտական, ստեղծագործական քննադատական մտածողության զարգացումն է: Տավուշի մարզում բնագիտական առարկաների քննությունը, որը ստանդարտ թեստի միջոցով էր, մենք հիմա հնարավորություն ենք տվել երկու ձեռով իրականացնել. մի դեպքում սովորողները կարող են ընտրել նախազծային աշխատանք, ինչը նաեւ հնարավորություն է տալիս ինտեգրել գիտելիքները, միջառարկայական կապեր ստեղծել եւ իրենց հետազոտությունները կատարել մի քանի առարկայի շրջանակում, մյուս կողմից՝ կրկին թեստային ճանապարհով առաջարկվում է սովորողների գիտելիքների ստուգում իրականացնել ոչ միայն տեսական հարցերով, այլ շուրջ 20-30 տոկոսը կլինեն գործնական առաջադրանքներ՝ կապված լաբորատոր աշխատանքների հետ», - պարզաբանեց մեր գրուցակիցը՝ հայտնելով, որ հնարավորություն է ընձեռվելու մասնակցել թե՛ նոր, թե՛ հին ձեռնարկով քննությունների: Բացի այդ, երկու քննություններից որպես ընդունելության ցուցանիշ կպահպանվի այն գնահատականը, որն ավելի բարձր է:

Անդրադառնալով նոր չափորոշիչի ներդրման համար ուսումնականության բազայի առկայության հարցին՝ Սվաջյանը նկատեց, որ նոր չափորոշիչը պահանջում է ոչ միայն միջավայրային պայմանների, ուսումնալաբորատոր բազայի ապահովում:

ԷԼՄԱ ՄԻՔԱՅԵԼՅԱՆ

ՄԱՐՏԻ 1

ՀԱՐԳԱՆՔԻ ՑՈՒՐՔ՝ ՀԻՇԱՏԱԿԻՆ

Երեւանի ավագանու «Քաղաքացիական դաշնագիր» եւ «Հանրադեմություն» խմբակցությունների անդամները ծաղիկներ են խոնարհել «Ազդեցություն եւ հակազդեցություն» հուշարձանին՝ հարգանքի տուրք մատուցելով 2008 թ. մարտի 1-ի զոհերի հիշատակին: Այս մասին «Ֆեյսբուք»-ի իր էջում գրել է Երեւանի քաղաքապետ Տիգրան Ավինյանը:

«Երեւանի կենտրոնում տեղի ունեցած ողբերգական իրադարձություններն այլեւս երբեք չեն կրկնվելու, ժողովրդի քվեյն մշտապես պաշտպանվելու է, եւ մեր պետությունը շարունակելու է իր անկախ, ինքնիշխան ընթացքը՝ հանուն Հայաստանի Հանրապետության երջանիկ ապագայի:

Երեւանի ավագանու «Քաղաքացիական պայմանագիր» եւ «Հանրապետություն» խմբակցությունների անդամների հետ ծաղիկներ խոնարհեցինք Գրիգոր Լուսավորիչ փողոցին հարակից այգում կանգնեցված «Ազդեցություն եւ հակազդեցություն» հուշարձանին՝ հարգանքի տուրք մատուցելով 2008 թվականի մարտի 1-ի զոհերի հիշատակին», - գրել է Ավինյանը:

«ժողովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՆՈՐ ՖԻԼՄ

ԶԳՏԵԼ ԵՆ ՉՈՒՌՃԱՑՆԵԼ ԵՐԵՎՈՒՅԹՆԵՐԸ

«Բարի օր» ֆիլմի գլխավոր հերոսը Հենդրիկը, սափա սպորտ է, որն առում է սովորական կյանքով, իր հոգսերով, առօրյայով: Մի առավոտ նա դարձնում է, որ օրը չի փոխվել. հոկտեմբերի 14-ն է, ինչպես եւ երեկ էր: Գա սնում է շուրջ սառը սարի: Տարիների ընթացքում Հենդրիկի արժեհամակարգում որոշ փոփոխություններ են կատարվում. նա սկսում է գնահատել ոչ միայն մորը, այլև կնոջն ու երեխաներին, հրաժարվում է կարծրատեղիներից, որոնք ուղեկցել են նրան ամբողջ կյանքի ընթացքում:



Կինոնկարը, որը գվարճալի է եւ ստիպում է կողքից նայել անընդունելի երեւույթներին ու ձերբազատվել դրանցից, փետրվարի 29-ին բարձրացավ մեծ էկրան: Ֆիլմի պրեմիերան տեղի ունեցավ «Մոսկվա» կինոթատրոնում:

Մինչ կարմիր գորգի արարողությունը լրագրողների հետ զրույցում ֆիլմի ռեժիսորները Գրիգոր Գասպարյանն ասաց՝ գաղափարի հեղինակը ֆիլմի պրոդյուսեր Ամարաս Գասպարյանն է: «Կա մի սիրված ֆիլմ՝ «Արջամկան օրը», որը նկարահանվել է երեսուն տարի առաջ: Այդ կինոնկարից հետո ստեղծվել են մոտ 12 կամ ավելի նմանատիպ ֆիլմեր, որոնցում օգտագործվում է այդ ֆիլմի շարժիչը, որը կոչվում է «Time loop», երբ գլխավոր հերոսի կյանքում օրը կամ ինչ-որ ժամանակահատված կրկնվում է: «Բարի օր» ֆիլմի գլխավոր հերոսի դերակատար Միքայիլ Միխայիլովը ստեղծել էր տաքսիստ Յենոյի կերպարը, որը շատ սիրվեց: Նա սքեռեցի միջոցով պատմում էր իր կնոջ, երեխաների, սիրուհու, տարբեր մարդկանց մասին, որոնք չէին երեւում: Որոշեցինք լիամետրաժ ֆիլմ նկարահանել տաքսիստ Յենոյի մասին, որտեղ կլինեն բոլոր կերպարները», - պատմեց ռեժիսորը:

Ֆիլմի մյուս ռեժիսոր Արման Սարգսյանն էլ խոստովանեց՝ ամեն ինչ արել են համատեղ, համագործակցել են սցենարիստների հետ ու ձգտել են չուռնացնել երեւույթները: «Կարծում եմ ամեն մարդու ժամանակ է հարկավոր ինքն իր հետ մնալու, վերլուծելու, թե ինչի համար է ապրում, թե ինչ է թողնում իրենից հետո,

թե իր պատճառով ինչ է լինում: Ֆիլմի հերոսին այդ ժամանակը տրվում է», - շեշտեց նա:

Դերասան Միքայիլ Միխայիլովը վստահեցնում է՝ թե ինչը հայտնվեց ժամանակավոր հանգույցի մեջ, կաներ այն բոլոր քայլերը, որ անում է իր կերտած կերպարը, ինչը կհանգեցնեց նրան, որ կվերահիմաստավորեր իր կյանքն ու այլ տեսանկյունից կնայեր կյանքի ցանկացած իրավիճակի:

«Մեզ հաստատ հանդիպել են տաքսի վարորդներ, որ գայրացնում են իրենց բառապաշարով, երաժշտական ճաշակով, հարցերով եւ այլն: Հուսամ ֆիլմից հետո ինչ-որ բան կփոխվի», - ասաց Միխայիլովը:

Ռոզի Ավետիսյանը կերտել է Յենոյի կնոջ կերպարը: Նույն տեսարանում մի քանի անգամ խաղալը բոլորովին բարդ չի եղել նրա համար: Դժվար է եղել անել ամեն բան, որ մարդիկ հավատան, որ ինչը Յենոյի կինն է, որ նման փոխարարությունները ճշմարտացի են ու հնարավոր:

Ըստ դերասանուհու՝ բոլորն էլ ժամանակ առ ժամանակ վերաթեւորում են որոշ բաներ՝ կախված անձնական կյանքում, երկրում տեղի ունեցող իրադարձություններից, համընդհանուր երեւույթներից:

Կինոնկարն իրենց մասնակցությամբ հարստացնում են սկսնակ դերասաններ Նանուշն ու Վարդան Քոչարյանը: Նրանք մեծ բավականություն են ստացել նկարահանումներից ու հույս ունեն, որ կրկին կլինեն էկրանին:

«Սա իմ առաջին կինոնկարն է, եւ ես շատ ուրախ եմ, որ հենց «Բարի օր» ֆիլմում եմ նկարահանվել», - ասաց Նանուշը: «Նկարահանվել եմ սիրով, գովազդներում: Սա իմ առաջին գեղարվեստական ֆիլմն էր: Շատ եմ դիտել նման կինոնկարներ ու հավանել եմ: Միտեցի այս ֆիլմի սյուժեն, բայց չգիտեի, որ նման լավ դերասանների հետ եմ խաղալու: Շատ հաճելի էր», - ընդգծեց Վարդան Քոչարյանը:

Ֆիլմում հնարավոր է տեսնել Նաե Գարիկ Մարտիրոսյանին, Իվետա Մուկուչյանին, Արկադի Դուրմիշյանին եւ այլոց: Ստեղծագործական խումբը նախատեսում է «Բարի օր» կատակերգությունը ցուցադրել ոչ միայն Հայաստանում, այլեւ երկրի սահմաններից դուրս:

ՀՈՒՐԻ ԲԱՂՈՍՍՅԱՆ

ՄԱՐԶԱԿԱՆ

ՄԱՐՏԻ ԱՂՅՈՒՄԱԿԸ

Շախմատի միջազգային ֆեդերացիան՝ ՖԻԴԵ-ն, հրապարակել է մարտ ամսվա դասակարգման աղյուսակը: Տղամարդկանց դասակարգման աղյուսակում Հայաստանն ունի 4 ներկայացուցիչ: Հայկ Մարտիրոսյանը 49-րդ հորիզոնականում է, Գաբրիել Սարգսյանը՝ 61-րդ, Սամվել Տեր-Սահակյանը՝ 91-րդ, Հրանտ Մելքումյանը՝ 98-րդ: Հայաստանի շախմատի տղամարդկանց հավաքականի նախկին առաջատար Լեոն Արոնյանը, որն այժմ հանդես է գալիս ԱՄՆ դրոշմի ներքո, դասակարգման աղյուսակում 26-րդն է: Կանանց վարկանիշային աղյուսակում էլիսա Դանիելյանը 51-րդ տեղում է, Լիլիթ Սկրտչյանը՝ 73-րդ, Աննա Սարգսյանը՝ 75-րդ, Մարիամ Սկրտչյանը՝ 99-րդ:

ԲԱՐԵՓՈՐԾԱԿԱՆ ԽԱԳ

Հայկական արմատներով ռուսաստանցի թենիսիստ Կարեն Խաչանովը եւ ռուս թենիսիստ Անդրեյ Ռուբլովը բարեգործական խաղ կանցկացնեն, որի հասույթը կտրամադրվի արցախահայությանը: Նախաձեռնության հեղինակը ՀՄԸՄ Գլենդելի «Արարատ» մասնաճյուղն է: Բարեգործական խաղը կկայանա ԱՄՆ Լոս Անջելես քաղաքում մարտի 16-ին: Կարեն Խաչանովը պրոֆեսիոնալ թենիսիստների ասոցիացիայի (ATP) վարկանիշային աղյուսակում 15-րդն է: Նա 4 անգամ հաղթել է միջազգային ֆեդերացիայի հովանու ներքո անցկացվող մրցաշարում: Նա Տոկիոյի 32-րդ ամառային Օլիմպիական խաղերի արծաթե մեդալակիր է: Հայկական արմատներով ռուսաստանցի թենիսիստի լավագույն արդյունքը եղել է 2019 թվականին, երբ նա հասել է Roland-Garros-ի քառորդ եզրափակիչ, եւ 2021 թվականին՝ դարձյալ քառորդ եզրափակիչ Ուիմբլդոնում, իսկ 2022-ին նա հասավ US Open-ի կիսաեզրափակիչ: 2023 թվականին էլ հաջանովը դուրս մնաց AusOpen-ի կիսաեզրափակիչից:

ԱՄՓՈՓԵԼ ԵՆ

Հայաստանի մարմնամարզության հավաքականի անդամները՝ Արթուր Դավթյանը եւ Վահագն Դավթյանը, ամփոփել են աշխարհի գավաթի խաղարկության երկու փուլերի արդյունքները: «Իսկապես դժվար է անընդհատ ոսկե մեդալ նվաճել, քանի որ դրա համար անդադար չավել մարզավիճակում պետք է լինե: Ես տեսական ժամանակ բուժվում էի վնասվածքից: Այս հավաքի ժամանակ միայն մի քիչ ուշ հաջողվեց մարզավիճակ կարգի բերել, բայց հաղթանակը հեշտ չի տրվում, ամեն ինչ պետք է անես երկրի պատիվը բարձր պահելու համար: Այստեղ բարդությունը նրանում է, որ դու կարողանաս ինքը քեզ հաղթես: Այժմ վնասվածքներ չունեմ, աշխարհի առաջնությունից հետո ամբողջապես վերականգնվել եմ: Բայց սա սպորտ է, ամեն ինչ հնարավոր է», - ասաց Արթուր Դավթյանը: Վերջինիս համար աշխարհի գավաթի խաղարկության փուլերում հիմնական մրցակիցն Ուկրաինան ներկայացնող մարզիկն էր: Հայաստանի հավաքականի անդամ, աշխարհի գավաթների խաղարկության արծաթե եւ բրոնզե մեդալակիր Վահագն Դավթյանի խոսքով՝ թե՛ եզրափակում, թե՛ Գերմանիայում ինքը փորձել է առավելագույնս լավ մասնակցություն ունենալ մրցաշարին:

«ԱՎԵՏԻՍ»

ԱՐԺԱՆԱՑԵԼ Է ԲԱՐՉԻ ԳՆԱԿԱՏԱՆՔԻ

«Ավետիս» լարային ֆառայակը, որը մի ֆանի սարի գործունեություն է ծավալում ոչ միայն Հայաստանում, այլև արտերկրում, մարտի 12-ին Կոմիտասի անվան կամերային երաժշտության սանդ հանդես կգա համերգով:

«Ավետիս» (բարի լուր) անվանումն ընտրել են խմբի երաժիշտները:

Խմբի անդամների նպատակն է ձեռավորել համաշխարհային բարձր չափանիշներին համապատասխանող լարային քառյակ, որը լավագույնս կներկայացնի վերոնշյալ ժանրի համար գրված բազմաթիվ ստեղծագործություններ, որոնք ներկայումս շատ քիչ են հնչում հայաստանյան բեմահարթակներում:

Քառյակում ընդգրկված երաժիշտներից երեքը Հայաստանի ազգային ֆիլհարմոնիկ նվագախմբի առաջատար երաժիշտներ են. Կարմեն Թոսուն-

յանը ՀԱՖՆ նվագախմբի կոնցերտմայստեր է, Հայկ Տեր-Հովհաննիսյանը՝ ՀԱՖՆ ակտերի խմբի կոնցերտմայստեր, Միքայել Նավասարդյանը՝ թավջութակների խմբի երաժիշտ: Ջութակահարուհի Անուշ Նիկողոսյանի հարուստ կենսագրությունն ու բեղուն համերգային գործունեությունը նպաստում են լարային քառյակի ակտիվ մասնակցությանը միջազգային փառատոներին եւ ելույթներին հեղինակավոր երաժշտական հարթակներում: Նախորդ տարվա ընթացքում համերգային ծրագրերով ներկայանալով ինչպես Հայաստանում, այնպես էլ արտերկրում՝ քառյակն արժանացել է անվանի երաժիշտների եւ երաժշտաբանների բարձր գնահատանքին՝ ստանալով նոր համագործակցության հրավերներ:

Մայիսին «Ավետիս» լարային քառյակը կմասնակցի Իտալիայի Մանտովա

քաղաքի ամենամյա «Trame Sonore» հեղինակավոր փառատոնին՝ ներկայացնելով Նաե Էդվարդ Միրզոյանի լարային քառյակը: Քառյակը մեծ ուշադրություն է հատկացնում Նաե կրթական ծրագրերին՝ ընդգրկելով հանդիսատեսի թվում դպրոցականներին:

Մարտի վերջին նախատեսվում է այդպիսի ծրագրերից մեկն իրականացնել Միխայիլ Սեբաստացի կրթահամալիրում: Քառյակը գործունեություն է ծավալում նաեւ Հայաստանի մարզերում՝ կարեւորելով մարզային ծրագրերի նշանակությունը, մարզերում մշակութային գործընկերության զարգացումը:

Ապրիլի 24-ին Էջմիածնի Կոմիտասի անվան մշակույթի պալատում քառյակը հանդես կգա Հայոց ցեղասպանության սրբադասված նահատակների հիշատակին նվիրված համերգով:

● Մարտի 5-ին «Արամ Խաչատրյան» համերգասրահում տեղի կունենա ««Ջարթոնք». Պարույր Սեւակ - 100» գրական-երաժշտական երեկոն: Տոմսերի արժեքը՝ 3000-10000 դրամ: Սկիզբը՝ ժամը 19:00-ին:



Էջը՝ ՄԱՐԻԱՍ ԴԱՆԻԵԼՅԱՆԻ

ՖԻՆԱՆՍՆԵՐ

ՀԱՐՑ. Ինչպես է ներկայացվում շահումով խաղերի կազմակերպման եւ անցկացման կանոնակարգը:

Արտակ Գրիգորյան (31 տարեկան)

ՊԱՏԱՍԽԱՆ. Շահումով խաղի կազմակերպչի կողմից ներկայացված շահումով խաղի կազմակերպման եւ անցկացման կանոնակարգի կամ դրանում կատարվող փոփոխությունների, լրացումների համաձայնեցումն իրականացվում է «Շահումով խաղերի, ինտերնետ շահումով խաղերի եւ խաղատների մասին» Հայաստանի Հանրապետության օրենքի համաձայն:

Շահումով խաղի կազմակերպիչը, շահումով խաղի կազմակերպման եւ անցկացման կանոնակարգը կամ դրանում կատարվող փոփոխությունները, լրացումները համաձայնեցնում է լիազոր մարմնի հետ՝ նախքան դրանց կիրառումը, ներկայացնելով լիազոր մարմին՝ երկու օրինակից: Լիազոր մարմինը 15-օրյա ժամկետում ընդունում է որոշում՝ կանոնակարգին, առաջարկվող փոփոխություններին, լրացումներին համաձայնություն տալու կամ դրանք մերժելու մասին: Եթե լիազոր մարմինն ընդունել է կանոնակարգին կամ դրա փոփոխություններին, լրացումներին վերապահումով համաձայնություն տալու մասին որոշում, ապա կազմակերպիչը պարտավոր է այդ որոշումը ընդունելուց հետո՝ 10 օրվա ընթացքում, լիազոր մարմին ներկայացնել ուղղված փաստաթղթերը, որից հետո լիազոր մարմինը 5-օրյա ժամկետում հայտատուին տրամադրում է լիազոր մարմնի հետ համաձայնեցված շահումով խաղի կանոնակարգի կամ փոփոխությունների, լրացումների համաձայնեցված մեկ օրինակը: Եթե կազմակերպիչը վերը նշված որոշումն ընդունելուց հետո՝ 10 օրվա ընթացքում, ուղղված փաստաթղթերը լիազոր մարմին չի ներկայացնում, ապա լիազոր մարմնի որոշումը՝ կանոնակարգին կամ դրա փոփոխություններին, լրացումներին վերապահումով համաձայնություն տալու վերաբերյալ, համարվում է չեղյալ:

ՀՀ ֆինանսների նախարարություն

«ԺՈՂՎՈՐԳ». Համաձայն Հայաստանի Հանրապետության կառավարության 29.07.2004թ. թիվ 1164-Ն որոշման՝ եթե շահումով խաղի կազմակերպչի կողմից շահումով խաղի կազմակերպման եւ անցկացման կանոնակարգում առաջարկվող փոփոխությունների կամ լրացումների արդյունքում փոփոխվելու են N 4 ձեռնարկում նշված շահումով խաղերի մասին ներկայացված տվյալները, ապա կազմակերպիչը ներկայացնում է նաեւ շահագործման համար նախատեսված խաղային սարքավորումների ծագման սերտիֆիկատների պատճենները եւ շահումով խաղերի մասին տվյալները՝ համաձայն N 4 ձեռնարկի: Շահումով խաղի կազմակերպիչը ներկայացնում է նաեւ շահագործման համար նախատեսված խաղային սարքավորումների ծագման սերտիֆիկատների պատճենները եւ շահումով խաղերի մասին տվյալները՝ համաձայն N 4 ձեռնարկի, այն դեպքում, երբ փոփոխվում են շահումով խաղերի վերաբերյալ տվյալներ, որոնք չեն հակասում համաձայնեցված շահումով խաղերի կազմակերպման եւ անցկացման կանոնակարգին:

ԿՎՐԳ

ՀԱՐՑ. Անճարձ գույքի նկատմամբ գրանցված իրավունքների վերաբերյալ վկայականը կորցնելուց հետո սրամադրվում է արդյո՞ք դրա կրկնօրինակը: Ասատուր Ստեփանյան (29 տարեկան)



ՊԱՏԱՍԽԱՆ. 2019 թվականի հուլիսի 1-ից հետո վկայականի կրկնօրինակ չի տրամադրվում, այլ վկայականը փոխարինվում է նոր գրանցման վկայականով՝ պետական գրանցման իրական ամսաթվի վերաբերյալ նշումով:

ՀՀ կադաստրի կոմիտե

«ԺՈՂՎՈՐԳ». Ընդ որում՝ մինչեւ 2019 թվականի հուլիսի 1-ը տրամադրված գրանցման վկայականը նոր գրանցման վկայականով փոխարինվում է դրա համար դիմումը «Գույքի նկատմամբ իրավունքների պետական գրանցման մասին» ՀՀ օրենքով սահմանված կարգով ներկայացվելու օրվանից 2-րդ աշխատանքային օրը, որի համար վճար չի գանձվում:

ԼՈՒՐ ԿԱԴՐ

Լուսանկարը՝ համացանցից

ԱՐԵԳԱԿԻ ԱՄԲՈՂՋԱԿԱՆ ԽՎԱՐՈՒՄ



8 ԱՊՐԻԼԻ 2024թ.

Ապրիլի 8-ին տեղի է ունենալու Արեգակի ամբողջական խավարում: Տեղեկությունը հայտնում է «Հիդրոօդերուփաբանության եւ մոնիտորինգի կենտրոն» ՊՈԱԿ-ի տնօրեն Լեւոն Ազիզյանը: Արեգակի այս խավարումը Հայաստանի տարածքում չի դիտվի:

ԲԱԺԱՆՈՐԴԱԳՐՈՒԹՅՈՒՆ

Մեր թերթը Բաժանորդագրվելու համար կարող եք դիմել



«Հայմամուլ» ՓԲԸ հեռ. 45-82-00, 45-19-11

«Հայփոստ» ՊՓԲԸ հեռ. 51-45-46, 51-45-47

«Բլից-Մեդիա» ՍՊԸ հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

Advertisement for subscription services including contact information and a form for name and address.

ԵՂԱՆԱԿԻ ՏԵՍՈՒԹՅՈՒՆ




Table with weather forecasts for various regions of Armenia, including temperature ranges and moon phases.

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ Հասցեն՝ ք. Երեւան, Աբովյան 22՝/3, հեռ՝ 010 54-64-23 Պետական գրանցման վկայականի համարը՝ 03U089086 տրված է 24.11.2010 Ստորագրված է տպագրության 1.3.2024

Գլխավոր խմբագիր՝ ԶՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: